

671.4155

076

11

壺關縣志

臺南縣志目

卷首

繪圖

凡例

卷一沿革志

沿革

卷二疆域志

疆域

形勝

舖遞

關隘

山川

古蹟

物產

風俗

紀事

祥異附

遺事附

卷三建置志

城池

公署

學校

書院

社學

兵防

壇廟

寺觀

里甲

坊巷

鎮集

村庄

橋梁

卷四食貨志

田賦

丁徭

戶口

倉儲

稅課

鹽引

卷五官師志

官制

封爵

名宦

循績附

卷六選舉志

徵辟

仕進

進士

舉人

貢士

例貢

例仕

武科

武仕

封廕

卷七人物志

名德

循良

忠烈

孝義

鄉飲

仙釋

方技

卷八列女志

列女

卷九藝文志上

文類

卷十藝文志下

詩類

壺關縣志卷之三

建置志

壺關舊治肇於漢代其間廢興不一逮唐中葉始移
今治簡冊紀載亦覺闕如可考者自前明以迄我
朝著述詎可忽耶况制作漸脩諸務鼎新城池時有增
修祠祀亦多剏設及橋梁之利濟塾舍之義捐不一
而足焉綜其大凡用垂不朽作建置志

城池

壺關漢置縣唐貞觀十七年遷於清流川即今治始建
今城明洪武二年重修周圍二里二百四十步東南

北三門景泰初知縣蘭興補修嘉靖十一年知縣邱
鎧勸富民張絃新闢西門匾曰通政尋塞二十二年
知縣李用敬勸諭捐金甃以甃不計高三丈五尺梁
口八百四十有五張鐸爲記崇禎間知縣劉士英塞
堦口存其半東南隅西北隅各建角樓一廵舖十六

國朝順治十三年知縣朱輔重修闕西門勒石以記逮

康熙十八年久雨北城圯南門圍闕壞敵樓亦傾知
縣章經捐修自爲記十一年知縣王達補修城濠向
不聚水惟南關外稍聚水然不旋踵亦涸地高峻故
也康熙二十年知縣章經捐貲買石於東北城濠間

隨其高下築堰障水土民感其惠共爲立世名章公
堰嗣城濠久淤獨堰屢經淘補規模依舊汲取不竭
至今賴之

道光十年四月二十三日地震城垣如故梁口傾
圯殆盡義勸各里捐金重修現在東南北三門門樓
三座西門平房三間城角平房四座敵樓八座梁口
計七百四十三個俱臻完固

公署

縣署在城西北隅舊縣坊唐貞觀年建五代宋金元悉
因之明洪武二年縣丞陳欽建永樂間知縣孔陽修

中爲大堂堂前爲戒石坊坊左右爲皂役棚兩廊爲書吏辦事房坊之前爲二門二門外左廟祀衙神右廟祀獄神二間外甬道前爲大門左右爲鍾鼓亭大堂左右爲門役房堂後爲二堂二堂後樓五間爲住宅大堂東爲藏恕堂前令廳是蔡吳之錡署令徐廷颺相繼修葺懸匾對面爲三堂三堂後爲幕廳又東廂房爲號件所又南爲廚役房又東北爲馬神廟廟外爲馬棚廟西新建斗室二間宅門內廂房二門爲門房大堂西爲書房對面爲內書室書室後若干間爲裨從房縣署自

國朝康熙二十年縣令章經逮雍正十三年縣令顏肇亮
修葺之後圯壞已多乾隆三十年知縣楊宸泣任以
次修建稍復舊制嘉慶年知縣程安重修知縣汪勳
於三堂東創建內宅一院計房共十三間寅賓館乾
隆三十五年知縣秦之柄修今廢

典史署在大堂西典史祝志遠修

外委署在縣署大門東乾隆三十二年知縣楊宸修

公館在縣署西上房三間東西內廂房各二間西小院
一所北房五間內宅門一間東西耳房各一間正廳
三間廚房三間東客廳三間外廂房東西各三間二

門一座門房二間大門一座三間乾隆三十二年知縣楊宸建嘉慶年知縣汪勲補修歷任入交代冊按舊志有縣丞宅主簿宅察院行署按察分司行署俱廢存察院演武場地八畝今爲學田

僧會司在縣西門外福嚴寺

道會司在城內城隍廟

陰陽學醫學

學校

壺關縣爲中學額入文學十二名武學十二名廩生二十名增生二十名學宮在縣東南元至元間縣尹郭

朗重建延祐間縣尹張德明洪武間知縣呂士安沈
溥馬成永樂間知縣張著馬興成化間知縣任式嘉
靖間知縣張友直段錦何永慶萬厯間知縣張祥方
應明天啟間知縣楊學程次第修葺知府劉公復初
相度陰陽建泮池尊經閣體制煥然矣廟制中爲大
成殿旁爲東西廡前爲大成門舊名戟門門外爲泮池池
左爲名宦祠右爲鄉賢祠泮池前爲櫺星門門左右
參天兩地坊教諭王執蒲建殿後爲啓聖祠祠西爲
敬一亭廟東爲明倫堂堂前兩廊爲日新時習居仁
由義齋東爲文昌祠直前爲禮門去禮門數十武東

南城隅爲魁星樓左爲忠義祠右爲節孝祠知縣楊宸建明倫堂後爲尊經閣左爲教諭宅右爲訓導宅
國朝順治十三年知縣朱輔重修十五年生員楊振豪獨力損修廟學准貢康熙十七年知縣章經教諭張瑞錦捐俸重修乾隆五年知縣劉汝翼領帑修理二十四年訓導衛勤修建敬一亭三十一年知縣楊宸教諭王執蒲訓導孫悉典史祝志遠協力重修改建啓聖祠敬一亭

文廟文昌宮學署乾隆四十七年知縣向昂次第重修道光六年知縣張文麟補修 文廟泮池較昔費功

既多規模鞏固芹藻交映四時不涸宮牆美富稱偉
觀焉事俱詳碑記

書院

壺林書院明萬厯年邑令方應明所建也舊名尙友書
院在儒學東歲久傾圯逮乾隆二十一年邑令馬璠
勸邑紳杜樞王錫璵郭恒等重爲捐修未幾事而去
知縣陳誠繼爲落成始改今名計大門一座二門一
座北廳三楹東西耳房四楹廂房十楹廚房二楹督
工者邑庠郭崑惟時膏火之費尙闕如也鄉耆秦學
珍慷慨樂施捐紋銀壹千兩又厯年積利銀陸百肆

拾兩零併交當商按月一分五厘生息每年得利銀
貳百玖拾伍兩捌錢壹分肆厘四季支交嘉慶戊辰
邑令汪因念前項生息不敷與貢生王長齡等續捐
元銀壹千柒百壹拾兩零除書院一切花費外淨餘
紋銀壹千零陸拾兩零發當商按月壹分貳厘伍毫
生息每年得利銀壹百伍拾兩零夏冬兩季支交二
宗每年共得利銀肆百伍拾兩零向係署內經管自
嘉慶八九年後歇業當舖交付本金致有虧短失去
十二舖本金共紋銀叁百叁拾餘兩經邑紳稟催在
案因該房經手經書業已亡故無從察查抵補現在

實存舊新本金共貳千叁百柒拾肆兩玖錢貳分每
年共得利銀叁百玖拾肆兩柒錢壹分擇邑紳之公
正者經管署內禮房均不經手所有一年師生脩膳
膏火及院內一切花費若干兩餘銀若干兩年終開
列清冊交署過硃發房以脩查考書院地十四畝半
在睢庄村每年收租錢四千文至掌教修金膳儀節
禮生童膏火數目俱詳碑記茲不脩載

社學

社學之設養而兼教法至良也天之生才不限資格古
來名公巨卿徃徃由寒微而致通顯今豈異於古所

云耶若子產不毀鄉校文翁興學化蜀皆此物此志也考邑乘舊有社學在縣治北門日久社倉旣廢學亦俱廢後起之秀何以觀感然有治人無治法修舉廢墜是在蒞斯土者鼓舞而振興之

兵防

壺關縣分防潞澤營外委把總一員駐縣城戰守步兵十名官馬一匹

分汛一處大河營卽今河郊口駐兵三名本城外委管轄

分隸王峽關營汛兵五名仍屬分防平順舊城外委管